
OFFERYNNAU STATUDOL CYMRU

2005 Rhif 2722 (Cy.193) (C.110)

CYNLLUNIO GWLAD A THREF, CYMRU

**Gorchymyn Deddf Cynllunio a Phrynu Gorfodol
2004 (Cychwyn Rhif 4 a Darpariaethau Canlyniadol
a Throsiannol a Darpariaethau Arbed) (Cymru) 2005**

Wedi'i wneud - - - *4 Hydref 2005*
Yn dod i rym - - - *5 Hydref 2005*

Mae Cynulliad Cenedlaethol Cymru ("y Cynulliad Cenedlaethol"), drwy arfer y pwerau a roddwyd iddo gan adrannau 121(5) a 122(3)(b) o Ddeddf Cynllunio a Phrynu Gorfodol 2004 ("y Ddeddf"⁽¹⁾), drwy hyn yn gwneud y Gorchymyn a ganlyn:

Enwi

1. Enw'r Gorchymyn hwn yw Gorchymyn Deddf Cynllunio a Phrynu Gorfodol 2004 (Cychwyn Rhif 4 a Darpariaethau Canlyniadol a Throsiannol a Darpariaethau Arbed) (Cymru) 2005.

Y diwrnod penodedig

- 2.—(1)** Y diwrnod penodedig i ddarpariaethau canlynol y Ddeddf ddod i rym, sef—
- (a) adran 61 (arolwg);
 - (b) adran 64 (archwiliad annibynnol);
 - (c) adran 65 (ymyrraeth gan y Cynulliad);
 - (ch) adran 66 (tynnu cynllun datblygu lleol yn ôl);
 - (d) adran 67 (mabwysiadu cynllun datblygu lleol);
 - (dd) adran 68 (dirymu cynllun datblygu lleol);
 - (e) adran 69 (adolygu cynllun datblygu lleol);
 - (f) adran 70 (diwygio cynllun datblygu lleol);
 - (ff) adran 71 (pŵer diofyn y Cynulliad);
 - (g) adran 74 (corfforaethau datblygu trefol); ac
 - (ng) adran 76 (yr adroddiad monitro blynyddol), i'r graddau nad yw eisoes mewn grym,

(1) 2004 p.5.

yw, at ddiben gwneud rheoliadau, 5 Hydref 2005, ac ymmhob achos arall, 15 Hydref 2005.

(2) Y diwrnod penodedig i erthyglau 3 i 7 o'r Gorchymyn hwn ddod i rym yw 15 Hydref 2005.

Diwygiadau Canlyniadol i Ddeddf Cynllunio Gwlad a Thref 1990

3.—(1) Diwygier Deddf Cynllunio Gwlad a Thref 1990(2) fel a ganlyn:

(2) Diwygier Atodlen 13 (tir o dan falltod) fel a ganlyn.

(3) Ar ôl paragraff 1A mewnosoder—

“**1B** Land in Wales which is identified for the purposes of relevant public functions by a local development plan for the area in which the land is situated.

Notes

(1) Relevant public functions are—

- (a) the functions of the National Assembly for Wales, a government department, local authority, National Park authority or statutory undertakers;
- (b) the establishment or running by a public telecommunications operator of a telecommunications system.

(2) For the purposes of this paragraph a local development plan is—

- (a) a local development plan which is adopted or approved for the purposes of Part 6 of the Planning and Compulsory Act 2004 (in this paragraph, the 2004 Act);
- (b) a revision of a local development plan in pursuance of section 70 of the 2004 Act which is adopted or approved for purposes of Part 6 of the 2004 Act;
- (c) a local development plan which has been submitted to the National Assembly for independent examination under section 64(1) of the 2004 Act;
- (d) a revision of a local development plan in pursuance of section 70 of the 2004 Act if the plan has been submitted to the National Assembly for independent examination under section 64(1) of that Act.

(3) But Note (2)(c) and (d) does not apply if the plan is withdrawn under section 66 of the 2004 Act at any time after it has been submitted for independent examination.

(4) In Note (2)(c) and (d) the submission of a local development plan to the National Assembly for independent examination is to be taken to include the holding of an independent examination by the National Assembly under section 65 or section 71 of the 2004 Act.”

(5) Ym mharagraff 5, yn lle “any such functions as are mentioned in paragraph 1(a)(i) or (ii)” rhodder “relevant public functions (within the meaning of paragraph 1A or 1B)”.

(6) Ym mharagraff 6, yn lle “any such functions as are mentioned in paragraph 5” rhodder “relevant public functions (within the meaning of paragraph 1A or 1B)”.

(7) Ym mharagraff 13, yn lle “paragraphs 1, 2, 3 and 4” rhodder “paragraph 1A or 1B”.

Diwygio Gorchymyn Deddf Cynllunio a Phrynu Gorfodol 2004 (Cychwyn Rhif 3 a Darpariaethau Canlyniadol a Throsiannol) (Cymru) 2005

4. Dirymer erthygl 4 o Ddeddf Cynllunio a Phrynu Gorfodol 2004 (Cychwyn Rhif 3 a Darpariaethau Canlyniadol a Throsiannol) (Cymru) 2005(3), ar y diwrnod penodedig, gan erthygl 2(2).

(2) 1990 p.8.

(3) O.S. 2005/1229.

Darpariaethau Trosiannol

5.—(1) Dirymher Rheoliadau Cynllunio Gwlad a Thref (Cynlluniau Datblygu) 1991⁽⁴⁾ (“Rheoliadau 1991”) ar y diwrnod penodedig, gan erthygl 2(2).

(2) Nid yw paragraff (1) yn effeithiol mewn perthynas ag ardaloedd unrhyw awdurdod cynllunio lleol a enwir yn yr Atodlen i'r Gorchymyn hwn.

6. Pan fo awdurdod cynllunio lleol a grybwyllir yn yr Atodlen yn penderfynu cwblhau arfer ei bwerau o dan Reoliadau 1991, rhaid iddo, cyn pen—

- (a) 3 wythnos, hysbysu'r Cynulliad Cenedlaethol yn ysgrifenedig am—
 - (i) y penderfyniad hwnnw; a
 - (ii) statws cynllun datblygu cyfredol yr awdurdod ar gyfer ei ardal, a
- (b) 4 wythnos, gyhoeddi ar ei wefan yr wybodaeth sy'n ofynnol gan baragraff (a).

Arbedion

7.—(1) Nid yw diddymiad⁽⁵⁾ paragraffau 1 i 4 o Atodlen 13 i'r brif Ddeddf yn effeithio ar unrhyw beth y mae'n ofynnol ei wneud neu y caniateir ei wneud at ddibenion Pennod 2 o ran 6 o'r brif Ddeddf yn ystod unrhyw gyfnod pan fydd cynllun a grybwyllir yn unrhyw un neu ragor o'r paragraffau hynny yn parhau i ffurfio rhan o'r cynllun datblygu yn rhinwedd erthygl 5(2) o'r Gorchymyn hwn.

(2) Mae cyfeiriadau at gynllun a grybwyllir yn unrhyw un neu ragor o baragraffau 1 i 4 yn cynnwys unrhyw gynnig i newid y cynllun neu i roi cynllun arall yn ei le.

(3) Y cynllun datblygu yw'r cynllun datblygu at ddibenion adran 27A neu 54 o'r brif Ddeddf.

Llofnodwyd ar ran y Cynulliad Cenedlaethol o dan adran 66(1) o Ddeddf Llywodraeth Cymru 1998⁽⁶⁾

4 Hydref 2005

D. Elis-Thomas
Llywydd y Cynulliad Cenedlaethol

(4) [O.S. 1991/2794](#) fel a ddiwygiwyd gan Reoliadau Cynllunio Gwlad a Thref (Cynlluniau Datblygu) (Diwygio) 1997 ([O.S. 1997/531](#)) a Rheoliadau Cynllunio (Rheoli Peryglon Damweiniau Mawr) 1999 ([O.S. 1999/981](#)).

(5) Gorchymyn Deddf Cynllunio a Phrynu Gorfodol 2004 (Gorchymyn Cychwyn Rhif 6, Darpariaethau Trosiannol ac Arbedion) 2005 [O.S. 2005/2847 \(C.118\)](#).

(6) 1998 p.8.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

YR ATODLEN

Erthygl 5(2)

Awdurdod Parc Cenedlaethol Arfordir Penfro
Awdurdod Parc Cenedlaethol Bannau Brycheiniog
Cyngor Bwrdeistref Sirol Blaenau Gwent
Cyngor Bwrdeistref Sirol Castell-nedd Port Talbot
Cyngor Dinas a Sir Abertawe
Cyngor Dinas Casnewydd
Cyngor Sir Caerfyrddin
Cyngor Sir Ceredigion
Cyngor Sir Fynwy
Cyngor Sir y Fflint
Cyngor Sir Gwynedd
Cyngor Sir Penfro
Cyngor Sir Powys
Cyngor Sir Ynys Môn

EXPLANATORY NOTE

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn dod â gweddill darpariaethau Rhan 6 o Ddeddf Cynllunio a Phrynu Gorfodol 2004 ("y Ddeddf") i rym ar 15 Hydref 2005, sef adrannau 61, 64 i 71, 74 a 76 (i'r graddau nad ydynt eisoes mewn grym), ac eithrio'r darpariaethau o fewn yr adrannau hynny ar gyfer gwneud rheoliadau ac sy'n dod i rym ar 5 Hydref 2005.

Mae Rhan 6 o'r Ddeddf (adrannau 60 i 78) yn gymwys o ran Cymru ac mae'n sefydlu system o gynlluniau datblygu lleol (CDLlau) yn lle'r cynlluniau datblygu unedol sy'n ofynnol o dan Bennod 1 o Ran II o Ddeddf Cynllunio Gwlad a Thref 1990 (Deddf 1990). Mae hefyd yn darparu ar gyfer Cynllun Gofodol Cymru.

Daw'r holl ddarpariaethau a gynhwysir yn erthyglau 3 i 7 o'r Gorchymyn hwn i rym ar 15 Hydref 2005.

Mae'r Gorchymyn hwn yn mewnosod paragraff 1B yn Atodlen 13 o'r Ddeddf er mwyn darparu ar gyfer CDLlau ac mae'n gwneud trefniadau trosiannol ar gyfer cynlluniau datblygu sydd eisoes yn bod.

Mae'r Gorchymyn hwn hefyd yn dod â'r trefniadau trosiannol i ben a wnaed o dan Orchymyn Deddf Cynllunio a Phrynu Gorfodol 2004 (Cychwyn Rhif 3 a Darpariaethau Canlyniadol a Throsiannol) (Cymru) 2005 (O.S. 2005/1229) (Cy.87) (C.56). O dan y trefniadau hynny daeth rhai o ddarpariaethau Rhan 6 o'r Ddeddf, sef y darpariaethau sy'n ei gwneud yn ofynnol i awdurdodau cynllunio lleol i gychwyn ar baratoi'u CDLlau, yn effeithiol o ran awdurdodau penodol yn unig, sef—

Cyngor Dinas a Sir Caerdydd

Cyngor Bwrdeistref Sirol Caerffili
Cyngor Bwrdeistref Sirol Conwy
Cyngor Sir Ddinbych
Awdurdod Parc Cenedlaethol Eryri
Cyngor Bwrdeistref Sirol Merthyr Tudful
Cyngor Bwrdeistref Sirol Rhondda Cynon Taf
Cyngor Bwrdeistref Sirol Tor-faen
Cyngor Bwrdeistref Sirol Wrecsam

Felly, effaith y Gorchymyn hwn fydd gwneud y system o GDLlau yn effeithiol yng Nghymru. Ond ni fydd yr awdurdodau cynllunio lleol a grybwyllir yn yr Atodlen i'r Gorchymyn hwn o dan ddyletswydd i baratoi CDLI hyd nes y gwneir gorchymyn pellach gan Gynulliad Cenedlaethol Cymru.

NOTE AS TO EARLIER COMMENCEMENT ORDERS

(Nid yw'r nodyn hwn yn rhan o'r Gorchymyn)

Daeth darpariaethau Rhan 6 o Ddeddf Cynllunio a Phrynu Gorfodol 2004 a geir yn y Tabl isod i rym ar y dyddiadau a ddangosir yn rhinwedd Gorchymynion a wnaed gan Gynulliad Cenedlaethol Cymru.

Adran(nau)	Dyddiad cychwyn	Rhif O.S.
60	14 Gorffennaf 2004	2004/1814 (Cy.199) (C.74)
62 (i'r graddau nad yw eisoes mewn grym)	30 Ebrill 2005	2005/1229 (Cy.87) (C.56)
62(4) a (5)(g)	1 Awst 2004	2004/1814 (Cy.198) C.73)
63 (i'r graddau nad yw eisoes mewn grym)	30 Ebrill 2005	2005/1229 (Cy.87) (C.56)
63(3)(a) a (7)	1 Awst 2004	2004/1814 (Cy.198) (C.73)
72	30 Ebrill 2005	2005/1229 (Cy.87) (C.56)
73	30 Ebrill 2005	2005 (Cy.87) (C.56)
75	1 Awst 2004	2004/1814 (Cy.198) (C.73)
76(2) (yn rhannol) a (3) (yn rhannol)	1 Awst 2004	2004/1814 (Cy.198) (C.73)
77	1 Awst 2004	2004/1814 (Cy.198) (C.73)
78	1 Awst 2004	2004/1814 (Cy.198) (C.73)